



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Pro gratitudine & fidelitate: pro strenua in bono proposito perseuerantia:
pro sui itide[m] plena perfectaq[ue] abnegatione & desiderio Christi vitam
imitandi: insuper pro digna præparatione, ...

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

tuam eam deniq; innumeris deosculando vicibus, suisq; lachrymis irrigado, donec ad sepulchrum, quo claudendus & recondendus torus, peruenisset: in quo viri illi misericordiarum Ioseph & Nicodemus, te aromatibus vinctum, & syndone munda inuolutum posuerunt propter festum Iudæorum, aduoluto ad ostium monumenti Ioan. 19. saxo ingenti.

*Pro gratitudine & fidelitate: pro strenua in bono suscepto proposito perseverantia. Pro sui iudem plena perfectaq; abnegatione & desiderio Christi vitam imitandi: in super pro digna preparatione, susceptione, & conseruatione corporis Christi: pro morte deniq; felici, Pre-
catio XXII.*

IN vnione longæ crucipendentæ tuæ, flebilisq; tui de cruce despositione, rogo te pijsime redemptor, per omnem bonitatem & amoris defici cordis tui, aufer à me odibilem in gratitudinem, ac omnem cordis mei duritiam: vt beneficia tua, scilicet creationis, redẽptionis, misericordissimæ vocationis, protectionis, sustentationis, & cætera continuè summa cum gratitudine recolā. te indefinenter laudē & honorem, tibi cum castissimo cordis iubilo gratias agā & referam, te cum profundissima humilitate, filiali timore, summaq; reuerentia cõtinenter magnificem & adorem: vt voluntati tuæ perfectè, obediens tibi seruiā cum deuotissima strenuitate & alacritate, ac omnimoda me ipsius resignatione & abnegatione, fixus tecum perseuerans in cruce, quā primo in baptismo, deinde in sacro religionis voto sancte assumpsi, seu in alio quocunq; pio proposito, nõ relinquens, nõ ab ea descendens, nec ob hominum oblocutiones & ludibria, nec ob quodcumq; solatium vel mundi delectationem, neq; ob quamcumq; grauitatem & asperitatem crucis: sed fac pie Iesu indies me illi claus amoris, & timoris fixius affigi, alacrius cum ea post te in odorem vnqueatorum tuorum, id est, per vestigia tua currere, te feruentius amando, me ipsum perfectius sancte odiendo, & plenius abnegando, omnem consolationem aliam fastidiendo, hoc solum totis suspirijs desiderando, compati tibi, tecum despici, obiurgari, confundi, nihil æstimari.

O vtinam ardentissimum & insatiabile mihi imprimas desiderium, feruens & discretum studium vitæ tuæ sanctissimæ toto cordis & corporis vigore me cõformādi, cum propriæ nihilitatis & vilitatis cognitionis, quo proficiēdi studium cum humilitate semper in me crescat, & charitas tua indies intensior ignescat, quatenus sopitis semel & extinctis omnibus carnis cõcupiscentijs, deuitijsq; omnium inimicorum tentamentis, cum summa castitate cordis & corporis, cum perfecta simplicitate mentis, cum purissima deuotione spiritus, cum gratissima tibi humilitate, cumq; perfecto amore, tibi fidelissime, simplicissime obedientissimeq; seruiā & æternū placeā, ac te cum augmento virtutū & gratiarū in diuinissimo Eucharistiæ Sacramento susceptū myrrha amaræ poenitentia, & aloë cordialis & dolorosæ cõpansionis conditiā inuoluēdo te in linteo mundo, hoc est, in corde à peccatis & vitijs expurgato, sepeliāq; te in anima mea in æternum, iugiter te constringens brachijs amoris, tibi soli adhaerens, in vulneribus tuis totum me immergens & sepeliens: vt extra te nil sciā, nil cogitē, nil desiderē, sed te possidens, à te totus possidear & regar, iuxta omne desideriu & beneplacitū dulcissimi cordis tui, quo per omnipotentem gratiā tuam ita religiosè & pie viuā, tam fideliter & perfectè tibi seruiā & obediā, tam ardentè & sincere te & proximum meū diligam, vt nihil damnabile vel pur-
gabile

gabile habeam cum de hoc mundo transibo, sed in sanguine tuo lotus, preciosissima tua morte viuificatus, infinitis tuis meritis & diuinis virtutibus stipatus, nullas inimicorum meorum pertimescens insidias, cum gaudio ab Angelis tuis in regnum tuum perducere, & in conspectu tuo laetus praesentari, atque sine fine commorari tecum merear.

Singulas has, & vniuersas supplicationes & humiles petitiones meas, quas per fingulos vitae, passionis & mortis tuae articulos coram maiestate tua suppliciter effudi, offero tibi dulcissime Domine Iesu creator & redemptor meus, aduocatus & saluator meus, in vnione omnium sanctissimarum orationum tuarum, quas Deo Patri obtulisti, in terris pro nobis, obsecrans te per omnem amorem & misericordiam tuam erga nos, & per omnia quae assumpsisti, fecisti, pertulisti & promeruisti pro nobis, vt virtute omnium orationum tuarum, & efficacia omnium meritorum sanctissimae humanitatis tuae, indignas meas petitiones exaudias: nihilominus resignans me & omnia in gratissimam & benedictam voluntatem tuam, vt mecum agas in tempore, & aeternitate pro vt magis honorificum tibi fuerit & beneplacitum.

Ad te quoque o regina caeli, porta paradisi, Domina mundi, spes veniae, mater gratiae, regina misericordiae, o refugium peccatorum, aduocata pauperum, laus iustorum post Deum potentissima, sapientissima, benignissima ac gloriosissima effecta, virgo semper Maria, ego indignus peccator confugio, & coram te suppliciter & humiliter me prosterno, offeres tibi pariter, dulcissima mater mea, aduocata mea, fidelissima, cunctas has tepidas orationes meas, in vnione sanctissimarum orationum tuarum, quas obtulisti & offers Deo pro nobis: obsecrans te per charitatem infinitam, & omnem affectum diuinum, quo te Deus ab aeterno praeter omni creatura gratuito praedestinavit, purissimam creauit, sibi in matre speciali affectu elegit, a te omni gratia & virtute plena concipi, nasci, educari voluit, ac dulciter tecum conuersari dignatus est, filiali affectu tibi in omnibus fidelissime subiectus existens, sicut filius matri, qui erat gubernator caeli: & specialiter per illam fidelitatem & amorem, quem tibi exhibuit in mortis tuae hora, dum quasi proprii cruciatus oblitus & tuae desolationi ac mœrori compassus medullitus, custodem tibi ac filium, sui loco fideliter prouidit: Et insuper per affectum illius inestimabilis dignationis quo te in die iocundissimae assumptionis super omnes choros Angelorum & Sanctorum exaltauit, caeli terraeque dominam & reginam te constituit: per denique omnia viscera maternae misericordiae tuae erga nos, obsecro te, vt indignas has meas orationes tuis purissimis orationibus vnitas, filio tuo offeras & exaudiri procures, meque filio tuo, tuis interuenientibus meritis reconcilies, animam meam in pretioso eius sanguine perfecte mundes, suis ac tuis meritis & virtutibus exornes, ardentissima charitate me rapias & perficias, omnemque vitam meam in beneplacitum eius dirigas, & ad bonum finem perducas, quo (te auxiliante) transacto feliciter vitae meae cursu, ad conspectum benedictissimi filij tui ad te perducere, tecumque sine fine commorari merear, vbi incomprehensibilis illa lux oritur, quae nunquam occidit: vbi ineffabilis pax colitur, quam nulla turbatio interimit: vbi fontana illa omnis boni abyssus scaturit, quam nemo exhaurire sufficit: vbi diuina maiestas, aeterna requie omnia continet: vbi diuina veritas perenniter lucet: vbi diuina charitas aeternae consolationis dulcedine semper rorat: vbi beata Trinitas semper viuere & regnare Deus in substantia vnus, & in personis trinus, Pater scilicet & Filius & Spiritus sanctus, per infinita seculorum secula, Amen.

GLORI-

Ioan. 9.